

海
秋
詩
集

惻○惻○賈○生○策○寥○寥○揚○子○居○每○傾○燕○市○酒○一○枉○故○人○車○聚○
散○憐○漂○梗○行○藏○愧○散○樗○蒼○生○付○公○等○努○力○報○彤○除○

寄李碧珊觀察時碧珊遭劾去官屏居鄂渚

不見李生久

用杜句

扁舟何處尋洲街○
禰衡憾澤放屈原

吟○出○處○雙○蓬○鬢○悲○懽○一○鏡○心○別○離○頻○問○訊○江○海○太○幽○深○

磊○磊○復○鬼○鬼○君○真○上○國○材○精○神○結○金○石○咳○唾○走○風○雷○路○

險○驂○騶○困○天○高○鴻○鵠○哀○誰○憐○舊○朱○紱○蕭○瑟○楚○江○隈○

念○子○支○離○事○榮○枯○涕○泣○然○青○蠅○天○地○有○白○璧○古○今○憐○春○

雨○蝸○廬○溼○秋○風○鶴○髮○顛○巫○咸○不○可○問○悄○悄○抱○幽○悵○

放。意。煙。霞。外。清。秋。江。漢。斜。菰。蘆。如。有。約。鷗。鷺。好。爲。家。北。
郭。時。尋。藥。東。陵。且。種。瓜。平。生。航。勝。事。行。樂。此。無。涯。
骯。髒。我。何。如。豪。情。半。翦。除。不。成。汲。黯。志。頗。擬。陶。潛。居。嶽。
麓。無。凡。鳥。湘。江。有。鱖。魚。煩。君。爲。招。隱。南。國。兩。樵。漁。
北。雁。過。衡。陽。傳。書。涕。泗。滂。可。憐。千。望。眼。無。補。九。回。腸。人。
事。紛。瑕。垢。天。涯。極。混。茫。寸。心。言。不。盡。悵。悵。月。昏。黃。

送吳瀹齋閣學典試浙江

今日皇華使誰爲第一人君從南薰殿去問富春津雨
露新持節文章老斲輪當令湖海士箇箇畫麒麟

汎汎浙江槩

用杜句

我我侍從才珊瑚收鐵網桐梓中槩

材我亦持藻鑑茫然問斗魁腐儒今更腐誰祝辦香來

寄裕如山中丞

虎節騫騰地

龍鱗眷注年深思古封建端仗好仔肩鬚髮垂清影功

名理直竑平生慕僑亮

中丞以書下問鵬輒獻其愚曰今乃公孫儒用猛諸葛亮用嚴

之時中丞持以報青天

湘水謳歌舊洪都節制新九江無惡浪五老有餘春今

日論長策中丞定幾人百年腰臂健

中丞時患臂痛

藥餌勿因

循

念我頻書札。憐才驅古今。自非青眼客。誰問白頭吟。折檻酬名義。飄蓬媿影衾。日歸歸未得。怊悵五湖深。

迢迢指豫章。君子在蒼茫。可掬西江水。來淘北客腸。風霜存翠柏。天地入黃梁。鴻雁知人意。書懷豈謾將。

酬姚伯昂丈招飲

夫子今梁棟。聲名獨老成。春風小桃李。

胡鏡塘別駕詩師出丈門下

思接杯觥痛飲行。藏外迂儒吏隱併。心心對青眼。俛仰。

一含情。

顏魯公銅印詩

併序

顏魯公與中丞購於賈人得魯公銅印古光陸離
字畫宛然信異數也賦詩一章

河朔倉皇日平原慘澹年如何銅印在猶見古光纏字
老煙雲結名高鬼物憐文孫勤念祖忠烈有餘妍

輓楊忠武十首

太息將軍樹回飈落蜀州峨嵋天黯淡江漢涕橫流鐵
馬寒雲積金壇皓月收平生白羽扇斷送九泉秋

弱冠讀陰符孫吳咳唾餘智謀先造化勇決擅驅除百

戰功猶在三公價不如濟時瞻斧鉞千載一歎歎
歷歷說羣盜騰騰仗虎臣整軍先白馬破竹走黃巾雙
鬢兵戈老中原天地春至今韋帶士箇箇頌麒麟
西憶欃槍動邊沙莽盪中幾傳青海箭誰破黑山戎國
有嫖姚將人呼郭令公不須勞

聖主異域已憐憫

節制三秦大恩榮九陛深穰苴能附衆傳說此爲霖玉
帳兼文武雲臺照古今君臣許與處慷慨動長吟
衛霍論勲日弓旌拜賜秋腰分蒼玉佩手捧翠雲裘大

內瞻元老殊方問徹侯恨無蓬島藥不遣白搔頭
省識盈虛理飄然向故山漁樵成伴侶松竹老容顏豈
料悲秋緊空餘古劍斑萬人同雨泣不見紫髯還
赫赫倚長城荒荒隕大星

九重惟慟哭一老已飄零表餌誰家事清勤此座銘寄

聲問開府

詰嗣海
梁中丞

忠孝兩精煢

側想才良盛羣叨禮數先熊羆歸約束鸞鳳與周旋我
亦青冥士公當吐握年可憐折檻後書札極纏綿
惻惻杜鵑哀西山惡耗來百年逢管葛一哭撼風雷軍

旅思飛將封。蠶惜重才羣。公知矩矱努力贊康哉。

輓程春海侍郎

今代論儒雅。便便有此公。典章諮伯始。著述老揚雄。兩鬢星霜後。千秋寢饋中。茂陵遺藁在。精氣剖鴻濛。

憶曾相識地。冠佩帶朝暉。公上南薰殿。余承西掖垣。舊巢痕並埽。新淚點應繁。未有招魂術。淒涼不可論。

側身羲孔後。懷古雨纏綿。豈料文章伯。未登耄耄年。艱難失知己。慘澹向青天。流水高山意。空餘涕泣然。

一病支離甚。千悲涕淚銜。人間無扁鵲。天上有巫咸。騎

鶴身何往。雕蟲手自絨。苦思風雨夜。萬象入鏤鐫。

送何根雲太史典試河南

去指大梁道。清秋白露天。黃河分汴洛。太室削雲烟。詞賦空餘子。朝廷幾妙年。中州七千士。衣被得真詮。

歷歷看星使。觥觥問字人。佩搖滇海月。

于時小笠太史亦使滇南筆

洗汴郊塵公等宜旌旆。吾才自屈伸。且忻小桃李。披寫一家春。

張亨甫兄入都蹋雪來探不值

海上故人來。風霜一劍開。才名今老大。天意此低回。落

落江淹筆荒荒郭隗臺。驕自奇骨不用雉爲媒。
放眼闕河迴吞聲涕淚重。可憐存夢寐未若覲形容。身
世雙元鬢乾坤一短筇。兩人愁握手握手各龍鍾。
急雪撼簷陰飄颻不可禁。只愁雙屐濕未遣百杯深。客
舍空還往詩情自古今。明朝無箇事來問白頭陰。

黃槩山倪耕岩胡介眉查少泉杜蘭溪王漢橋易

問齋蕭立齋八農部集飲浮邱閣中卽席詠懷

五章

跌蕩千杯酒迷離六出花。寒稜生昨夜醉眼問誰家中。

聖知何罰。談天枉自誇。吾曹有來往。瓶甕是生涯。
鬱鬱折腰客。飄飄同舍郎。簪纓成酒伴。風雪爲詩狂。籬
菊惜騰老。窗梅黯淡香。此中消息在。底事九迴腸。
我非潦倒者。對酒涕縱橫。霜霰吹奇骨。詞章悔盛名。百
年饒萬事。雙鬢瘦千莖。倚賴平生友。酣歌無限情。
懷抱向君開。蹉跎亦快哉。九人真率會。五夜淺深杯。綠
蟻從吾好。黃梁破夢來。篋箱餘策藁。休說賈生才。
捫蝨麤狂在。揮觥爛漫遭。枰餐隨地有。劍佩仰天高。稷
契終應許。春陵未是豪。浮沉何必問。吾道在醇醪。

李石梧提學瓊海浮槎圖詩

海闊天茫茫。波濤萬丈長。風聲利舟楫。雲氣滿衣裳。舊擅元虛賦。今浮朱雀航。珊瑚歸鐵網。持以貢明堂。

讀沈女史詩集

今日論歌詠。誰扶大雅輪。風騷屬吾道。閨閣起斯人。抽繭千絲細。雕龍十色勻。前身真學士。聰慧信如神。

吳越多才女。家家擬七襄。好花聯姊妹。佳句比宮商。筆活三叉手。心清百和香。秋懷殊不淺。浩浩古詞章。歷歷說身世。蒼茫無盡頭。白華驚物化。黃絹對貧愁。涕

淚千行。雨江湖。一葉舟。古香。舉屈宋。輦。悅此名流。
南游方浩蕩。北走太始。娉衣上風霜。白愁邊。天地青才。
名工織錦。旅食信浮萍。一唱關山月。寒光滿驛亭。
天高。瞻鳳闕。日暮。眺燕臺。幾見山濤。札曾因柳絮。才紅。
顏殊。侔儻。白雪。自低徊。證取菩提諦。那知世上哀。
我方規魏晉。誰更數齊梁。豈料閨中句。應登作者堂。芙。
蓉。謝康樂。河漢孟襄陽。滿眼看壇坫。新詩少雁行。

元日

元日。年年有。東風。故故寒。那堪。雙短鬢。重對五辛盤。興。

借屠蘇酒愁衝獬豸冠桃符元可學時作退歸看

東坡句退

歸擬學
舊桃符

黃樹齋兄招飲卽席詠懷四首

東閣梅初綻。西山雪未消。客愁拚一醉。春色藹連朝。世
事莊生蝶。才名季子貂。行藏渾對汝。雙鬢鎮飄蕭。

歲時來往地。寥落寸心存。圭組長疎放。詩騷自討論。天
涯好兄弟。詩句滿乾坤。雙鳥吞丹篆。千秋見本根。
國與大名新。東風無限春。煙花滿閭闔。冠履上星辰。濟
物勞公等。論文與我鄰。休悲賈生策。曾未畫麒麟。

不作。懜。騰。醉。其。如。塊。壘。何。鷦。鷯。存。故。我。騏。驥。老。悲。歌。天。
上。年。光。轉。人。間。春。事。多。西。郊。好。風。物。披。寫。慰。蹉。跎。

樹齋席上再偕亨甫作四首

四。海。論。車。笠。三。人。對。酒。杯。春。風。知。客。意。物。色。入。詩。才。柳。
爲。陶。潛。發。梅。因。何。遜。開。生。涯。供。爛。醉。拔。劍。不。須。哀。
詆。蕩。湖。湘。子。才。名。老。自。禁。新。情。閒。處。活。舊。事。醉。中。深。身。
世。詩。千。首。星。霜。髮。一。簪。邯。鄲。何。用。憶。浩。浩。自。長。陰。
憶。昨。耽。詩。興。幽。州。此。卜。鄰。長。留。正。始。意。庶。報。素。心。人。裘。
馬。非。吾。好。雲。龍。有。宿。因。眼。中。惟。二。妙。來。往。豁。天。真。

海秋詩集

卷十九

九

相對不酣飲。年光惱殺人。煙花渾過眼。書劍好禁春。
道關衰盛。天涯迭主賓。飛騰騷雅在。何必覲平津。

酬葉潤臣孝廉見贈之作用原韻

歷歷千秋事。茫茫難重陳。沅湘有騷脈。江漢得伊人。
濁酒情何限。青春句入神。荃蘭滿懷抱。持以擢荒榛。

寄輓徐熙荄前輩四章

契闊三千里。憂愁十二時。只疑顏瘦損。那識命支離。
捐舍天難問。憐才我自私。每思來往地。談笑却熊羆。
安得崢嶸筆。重飛白簡霜。

九重思汲黯。四海重王陽。去薊金臺寂。還秦渭水忙。空
懸孺子榻。終古此昏黃。

憶昨歡携手。論交信有神。新文聯沈鮑。古義豁雷陳。白
眼看餘子。青山失故人。平生無限淚。薤露識悲辛。
秋風來惡耗。秋雨淚傾盆。汝墮紅塵劫。吾憐白獸尊。浮
生半哀樂。後死信乾坤。重憶傷心事。蒼茫不可論。

讀凌荻舟詩

一片沅湘淚。荃蘭無限愁。只知攀屈宋。似欲短曹劉。古
意滿懷抱。幽居自唱酬。百年詩句健。不遣鬢毛秋。

我亦涉風雅。蒼茫問等倫。百川元可障。四海更何人。僞
體緣才累。哀絃發性真。把君詩過日。此事有傳薪。
銳意千秋事。千秋未有涯。杜韓猶變體。陶阮自名家。吾
道存三昧。君才小八叉。楚騷斯寄託。端不墮塵沙。

喜潘四農到都

春色滿樓臺。迢迢望汝來。兩情通夢寐。一劍鬱風雷。古
意存詞賦。深談佐酒杯。乾坤無限事。爛醉尚裴裛。
歲月飄飄過。行藏歷歷非。世人皆鹵莽。夫子厭輕肥。髮
白文章健。天青涕淚飛。誰將江海士。一薦紫宸闕。

握手雜悲喜。浮生難重陳。懜懜今日我。慘澹舊交人。市
虎紛無謂。雲龍信有神。天涯盛吾黨。一慰苦隘身。

卓海帆前輩移居近隣猥蒙過訪賦詩奉報

旌旆壓春寒。新從海上還。使車朝

北極。卜宅傍西山。楊柳一何裊。藤蘿不可刪。大夫清興
極。詩句好追攀。

春暮鳥喈喈。春花點石苔。苔人傳蝸舍。在天遣牙冠來。諒
諍勞前輩。蹉跎不才自。今還往。熟身世。兩裴裒。

落落文章契。依依鄰里情。松杉疑結社。風雨對飛觥。吾

道存青眼春光入短檠匣中三尺劍時作古龍鳴

送周小湖太守

與子相知久乾坤旅宦中升沉關道力聚散對春風五
馬欲何向雙飛不可同行行指桃杏未似涕花紅
水複又山環黔西窈窕間此行天萬里爲我淚千斑握
手期難卜匡時興未刪百年各努力莫忘別時顏

荅魯蘭岑同年

相識不相見其如契闊何天涯今握手才調爾誰過藻
綺相如難艱危梁甫歌驪駒非腐骨慎勿涕滂沱

爛醉連昏曉。長吟送古今。風塵三益友。詞賦百年心。營窟匪儒素。雕蟲自藝林。靈均吾豈敢。騷怨不勝深。

與趙午橋敘事抒懷八章

不見資陽客。蒼茫幾歲年。忽從天外至。握手涕潛然。霜雪衣裳破。功名鬢髮顛。乾坤餘俛仰。誰定畫凌煙。

聞子在南國。漁樵寄此生。江湖隨地迴。山谷有雲行。巢許存吾道。孫劉太世情。如何就形役。辛苦問簪纓。

今代文章手。崢嶸望我曹。古香發蘭芷。奇氣束波濤。東閣情應媿。南宮價自高。仰天時大笑。誰分老蓬蒿。

歷歷平生友。悲歡離合間。逢迎如素昔。老大各容顏。相馬今誰是。雕蟲技莫刪。可憐詩句健。只合寄名山。

問我官何似。升沉涕幾行。烏臺如夢寐。驥足此回翔。意氣稽康嬾。文章賈誼狂。對君三太息。潦倒進壺觴。

天下傷心事。樽前肯重陳。沙蟲無處覓。鷹隼有時馴。陋矣蘇秦印。懷哉張翰蓴。因君問江海。鷗鷺儻吾真。

束縛塵埃裏。何時歸去來。天涯逢故舊。春色慰摧頽。帶

雨桃唇歛。經風柳眼開。此時一箕踞。爛醉十千杯。

還往不辭勞。飛花上客袍。樓臺自春景。富貴等秋毫。白

雪音誰和青山首重搔百年商出處妙理在醇醪

送潘四農張亨甫曾蘭岑溫伊初江龍門姚梅伯
劉子駿楊杏農廖月樵下第出都

拳拳問科目鬱鬱抱悲辛我友二三子天涯踴躍身才
名供泣玉客意謝勞薪去矣如鷗鳥江湖萬里馴
吞聲欲何向萍梗付沉浮慘澹誰青眼艱虞易白頭乾
坤慳一第詞賦許千秋料理名山事酣歌老未休
勸汝一杯酒千行涕淚俱空餘賈生痛甘作杞人愚醉
醒存知己行藏偏屬儒吾應脫塵鞅歸老故山隅

良友不可得分飛。天地間。風塵莽。迢遞夢寐。儻追攀。歷
歷離愁事。娟娟素昔顏。鶩騰鴻鯉在音問。未宜慳。

贈孫芝房

賈誼今應罕。劉蕡汝可憐。雷霆驅萬象。金石勒千篇。歧
路誰知已。名山待少年。不須爲科目。呵壁問青天。
匹馬迢迢去。南天浩蕩深。武陵如可問。梁甫莫長吟。耕
釣全吾道。煙霞識古心。巖阿新養望。終要汝爲霖。

送周一峰

東阿好年少。腰佩古龍文。筆挾風霜氣。心空燕雀羣。升

沉○隨○大○造○聚○散○問○勞○筋○去○去○應○回○首○離○情○不○可○云○

酬李生化北劉生詩橋來見

寂○歷○浮○邱○閣○窮○年○自○雨○風○濟○時○徒○畫○虎○閉○戶○老○雕○蟲○自○
笑○千○秋○拙○誰○知○二○妙○同○摳○衣○殊○欵○欵○高○義○動○蒼○穹○

握○手○一○相○見○庭○花○如○有○情○南○薰○迎○遠○客○北○斗○媿○虛○名○韓○
愈○吾○何○敢○侯○芭○衆○已○驚○天○涯○盛○朋○輩○慰○藉○短○燈○檠○

太○息○斯○文○墜○長○懷○不○世○賢○班○揚○照○今○古○閩○洛○補○坤○乾○各○
葆○三○千○髮○誰○當○五○百○年○光○陰○駒○過○隙○勉○矣○著○先○鞭○

冠○蓋○滿○通○衢○雷○陳○今○有○無○交○游○闕○性○命○文○字○慰○羈○孤○浩○

蕩詩千首淋漓酒十壺。披襟風自爽。天意豁臞儒。

送怡悅亭中丞

側望羊城道。新兼虎節來。崎嶇五嶺束。瘴癘百蠻開。疇昔論心侶。飛騰濟世才。此行須黽勉。勸汝十千杯。

四海論兄弟。箴銘得老成。赤心流古味。青眼折時評。燕市一爲飲。珠江又此行。天南望天北。雲樹不勝情。

送李石梧出守漢中

南國有才人。昂昂八尺身。指揮動山岳。瀟灑出風塵。銜命方從粵。分符又向秦。

帝心斯簡在勉矣畫麒麟

握手數爲別行藏各有天鷓鴣吾偃息驥駃汝飛騫

北闕承恩去南山在眼前千秋嚴漱浦

漱浦嚴樂園廉訪曾守漢中治

南山最了了著先鞭

送孫康甫還山

踽踽孫夫子誅茅問故鄉一身大小隱雙鬢萬千霜
養性惟林壑逢年有稻粱了無塵土夢瀟灑意何長
我歌將進酒勸汝拂衣行了了升沉事娟娟離合情
雲天愁縹緲猿鶴喜逢迎回首人間世山居不用名

讀黃琴山農部三十六鴛鴦館詞

三十六鴛鴦雙棲玳瑁梁。深居成福地，綺語發心香。續紅牙板，娟娟白雪章。此才應絕倒，顧曲小周郎。借問折腰客，伶俜亦可憐。漂零迷舊事，跌宕出新篇。簾三更壯，琵琶六引圓。心心對絃索，明月照嬋娟。

尺五莊借李梅生作

忽以一樽酒來游尺五莊。煙霞飛木末，樓閣借溪光。點綴漢陰趣，消除吏部腸。悲歡等閑事，爛醉倚昏黃。徑仄無人到，雲深爲我來。芰荷千柄合，蘆葦萬行開。名

士慙諸葛全真學老萊多情雙蛺蝶故故傍亭臺
斜陽沒更現飛鳥去仍還未見杯觥盡因知客意閒溪
聲深淺際樓影古今閒醉矣歸路芙蓉不我慙

花之寺

出郭綠萼萼蕪菁趁馬蹏地偏花徑合天闊寺門低壺
榼排岑寂僧寮費挈提酒酣破拘束倒臥夕陽西
蒼苔不出院綠樹自成陰時有好風至遠流清磬音亭
臺寄人外猿鶴見天心支許閒如此羊何試一尋
我豈談空者其如塵土黃人間半鞅掌佛院此芬芳一

眇。海。棠。雨。千。秋。鐵。樹。霜。枯。榮。斯。了。了。澹。泊。意。何。長。
坐。久。不。知。午。蟬。陰。一。萬。回。芭。蕉。無。雨。打。荷。芰。有。雲。來。瀟。
灑。遠。公。社。崢。嶸。太。白。杯。百。年。逢。勝。地。塊。壘。醉。中。開。

寄林少穆制軍

翹。首。武。昌。路。旌。旗。一。碧。分。樓。臺。半。今。古。草。木。盡。風。雲。總。
以。如。冰。志。宏。茲。不。世。勲。荆。衡。千。載。大。令。德。有。馨。聞。
君。子。不。煖。席。匡。時。雨。鬚。髭。梗。相。成。得。氣。江。漢。少。驚。波。公。
本。經。綸。手。吾。慙。著。述。科。下。材。託。詩。菲。采。采。意。如。何。

寄錢伯瑜中丞

响。嶺。三。公。秩。瀟。湘。萬。里。天。古。今。誇。重。鎮。民。物。覲。名。賢。心。
理。澄。於。水。丰。稜。直。似。絃。定。知。操。縱。地。歌。舞。歲。時。妍。
我。亦。湖。南。士。天。涯。踳。踳。中。關。河。通。宿。寐。松。菊。托。幘。幘。搗。
首。中。丞。座。傷。心。客。子。蓬。何。當。賦。歸。去。江。海。老。雕。蟲。

荅楊雪椒廉訪

落。落。楊。夫。子。高。情。上。斗。牛。峻。嶠。雲。母。見。浩。蕩。洞。庭。流。官。
美。詩。逾。健。君。歌。我。用。酬。湖。南。清。絕。地。切。莫。學。悲。秋。
鴻。雁。破。南。天。音。書。爲。我。憐。功。名。雙。鬢。短。詞。賦。一。家。先。覆。
瓿。從。時。論。抽。毫。了。宿。緣。新。詩。將。塊。壘。不。必。萬。人。傳。

寄胡美門明府

飛鳥向湖湘。湘山湘水長。白雲依古驛。青鏡照虛堂。一
縣桃花雨。千家麥飯香。卑棲莫怙悵。漢室擢循良。

念子耽詩什。才高壁壘新。寰區傳秀句。藻麗奪陽春。輓
掌。今何似絃歌信有神。天涯通寤寐。吾道若比鄰。

問我飄蓬意。風霜淚點懸。有才歌白雪。無力上青天。寥
闊思朋舊。支離了世緣。養痾非藥餌。只要酒如泉。

一別竟遲暮。三年此夢思。江湖鴻雁少。涕淚雨風知。側
想彈琴意。長憐折檻時。乞題勾碧紙。勤和老夫詩。

獨坐書懷奉簡何仙槎丈

新詩排日有古劍倚天磨不作千秋想其如兩鬢何老
成時獎借年少此觀摩獨坐梧桐院臨風發浩歌

杞梓湖南特虹蜺掌握同建標賢制府

陶雲汀丈

補袞大司

空政事羣公在精神一氣中不才慙驥驟卑走太恩恩
念我支離事天高首重搔窮途悲阮籍古意感山濤禮
數勤推轂才名笑補牢濟時心尙在拜手問夔臯

我思六首簡喬鶴儕水部

我思喬水部三晉一騷人天性存蘅莊才名振鳳麟悲

歌不出戶元氣自爲春浩蕩生花筆千秋亦宿因

韓愈吾何敢李顥才有餘陰詩搖五嶽說賦祖三閭以
此雕龍客無緣金馬廬寄聲黃閣老禮意未應疏

意氣可憐蟲官聲慘澹中少年淹簿領瘦骨戰秋風勸
汝一杯酒江流萬古東枯榮駒過隙已矣辨雌雄

與子遨遊地南郊更北郊煙花無限意猿鶴不成嘲山
澤存三徑乾坤玩六爻此身元脫略巢許是神交

回首平生事悲歡等積薪崢嶸無汲鄭慷慨有雷陳愁
大天難問交深客易瞋兩人情脈脈辛苦畏滄磷

獨坐午陰圓。徜徉槐柳前。蟬吟聲嘒嘒。蝶舞意翩翩。社
友兼僚友。詩僊半酒僊。百年吾得汝。嘯傲上青天。

送孔宥函比部

送子飄然去。征車那可攀。塵中青眼盡。海上白鷗閒。元
亮性斯遂。靈均涕莫斑。滄浪好漁父。來往不吾慙。

紅蓼白蘋花。清秋淮上家。庭幃森鶴髮。井里問牛車。子
去一何樂。吾留殊未涯。瀟湘天萬里。隨分有雲霞。

盈盈今夕酒。惻惻別離情。明月照人碧。悲風爲我鳴。關
河添客夢。萍梗寄才名。江上告潘農。魯蘭相思淚點橫。

去矣如鴻鵠蕭蕭蘆葦鄉。扁舟煙水白。晚景笠蓑黃。念子行藏事寸心。悲吒長巢由。太狂狷。濟世豈應忘。

贈左十三

四海周旋日。千秋著述身。我方追正則。汝肯覲平津。年少才難盡。塗窮骨未貧。憾無孔文舉。一鶚起風塵。鬱鬱抱奇策。娟娟理宿痾。問天元是幻。斫地自爲歌。暮雨梧桐老。秋聲蟋蟀多。南華雖在眼。其奈古愁何。故國瀟湘闊。阿兄景喬苜蓿新。青天兩鴻雁。白首一雷陳。羽短慙知己。心長證古春。孔顏多樂事。誰要畫麒麟。

風雨夜騷騷。天涯破寂寥。悲歌依故舊。短鬢飄搖歲。
月隨流水。功名問斗杓。何當賦招隱。江上老漁樵。

餞羅研蓀趙午橋於尺五莊時研蓀午橋廷試報
罷將還湖南用此賦別

出郭一裘裊。風隨蘆葦來。白雲溪徑合。紅日市樓開。
道力存壺榼。才名墮草萊。升沈等閑事。誰復覲麟臺。

家住瀟湘岸。荃蘭滿地香。九秋長有淚。百賦豈禁狂。
意氣小時輩。風雲入帝鄉。誰知仍塌翼。突兀謝鵷行。

太息成均貢。空瞻郭隗臺。文章五百載。塊壘十千杯。
塵

海秋詩集

卷十九

三

土。抽。身。去。煙。霞。入。夢。來。青。山。好。自。在。浩。蕩。賦。歸。哉。

我。亦。天。涯。客。他。鄉。送。故。人。焉。能。駕。鴻。鵠。一。訪。舊。松。筠。去。

住。隨。漂。梗。悲。懼。等。積。薪。秋。風。滿。關。塞。遮。莫。鬢。如。銀。

一。酌。至。十。酌。千。愁。併。萬。愁。乾。坤。青。眼。少。山。水。白。雲。稠。苦。

古。疑。逢。鹿。波。輕。不。礙。鷗。眼。中。幽。意。在。底。事。賦。悲。秋。

一。片。潺。湲。水。荷。聲。出。竹。聲。有。風。吹。我。醒。無。淚。替。君。傾。螭。

蝶。長。如。夢。鷓。鴒。豈。用。名。行。諸。問。蓬。華。樂。事。在。躬。耕。

送鄧小舉

握。手。日。無。幾。幽。燕。誅。蕩。中。詞。章。名。父。子。書。劍。古。人。風。豈。

料孔融少非關阮籍窮南征問湘水魚鳥慰飄蓬
去去幾回頭天涯一片秋少年傾老淚多病寄扁舟木
雁汝應悟蓴鱸我竊求江邊茅宇在何日是歸休

游焦園偕李梅生作

秋色上人衣秋風送馬蹄出郊生遠想覓地得幽棲路
古莓苔小天寒楊柳低山禽解迎迓啼向石闕西
花雜樹璫瓏樓臺第幾重雲容描澹澹石隙逗淙淙犬
臥猶當戶蟲鳴不隔松此中仙隱意縹緲倚枯筇
碧砌文堦外池風送午香芙蓉千萬柄蘿薜雨三行我

本煙霞客神游江海旁。扁舟如可棹漁釣了行藏。
太息主人翁銜杯不可同。山門自開闔。秋影落西東。霜
戰芭蕉葉。風翻蘆葦叢。名園勤護惜。慎莫付飛蓬。

贈熊鶴笙

歲月淹如許。風雲慘不情。是誰持藻鑑。爲汝涕縱橫。天
意飄蓬梗。才名老杜蘅。每從時論外。款款敘平生。

喜梁楚香同年到都

天闊音書慣。情親夢寐單。北風吹汝到。萬事舉杯看。休
問卞和玉。方彈貢禹冠。

帝褒誠與數報以寸心丹

江國聲名老秦中號令新

楚香出江南觀察擢秦中廉訪

此才宜萬里

回首失同人抗疏匡衡拙謀生原憲貧封圻望公等爲我底斯民

懷江西艾至堂熊經神山東孔繡山三孝廉

今代文章客飄蕭學隱居有才遭折挫無力送吹噓楚雨扁舟疾齊煙九點舒夢魂飛不到天末最愁予

得魏默深書卻寄

太息魏夫子誰爲借箸籌

默深編次字天下事勢瞭如指掌

皇朝經世文寸

心江海。上萬事。鬢毛秋。媿我依黃閣。因君訪白鷗。菰蘆
何處好。吾亦擬歸休。

陸立夫太史入都

一別竟三載。悲懽無限端。天長鴻雁少。人遠夢魂難。江
漢扁舟發。幽并十月寒。心心重握手。勤理伯牙彈。
與子俱湖楚。莖蘭託比鄰。才名雙鬢雪。杯酒百年春。買
駿論遭際。雕蟲動鬼神。酣嬉對朝夕。足以豁吾真。

海秋詩集卷之二十

益陽湯鵬海秋撰

七言律詩

與客談湖湘山水之勝

九州氣勢似星羅萬古熊湘一浩歌
衡嶽乾坤低泰岱洞庭風雨挾黃河
熒熒聖骨九疑穴藹藹騷魂二水波
試問精靈何處著長沙才子滿巖阿

小時書劍未離鄉來往蒼崖曲渚長
楚澤千花半蘭芷禹碑百代一文章
春山如笑猿猱綠秋水不波鷗鷺涼

非是湖南清絕地少陵垂老豈傍徨

地老天深日月長居民淳樸古衣裳蛟龍無恙江湖白
虎豹不來禾黍黃九筩峯頭餘大木十洲亭畔好斜陽
天寒薄暮勞雙眼京國攜家鬢欲霜

擬放名疆利鎖閑去尋紅雨白雲間桃花浩浩武陵水
紫石離離雲母山口吸煙霞神嶽頂手披黃老碧溪灣
傷心南望呼明月誰遣湘靈笑我頑

投賀柘農編修

憶昨飄飄贈躋身遨遊京國與誰鄰老成謂趙廷樓陶

半出匡天下。年少初來無故人。賈誼才華新涕淚。虞翻骨相舊風塵。相逢酌酒無餘事。醉卧藤蘿夜向晨。

潑墨攤書傍短檠。蓬萊骨相總儒生。梧桐自叶卷阿鳳。杯水誰知橫海鯨。十載不遷存骨格。一秋相對有風情。遨頭婪尾招邀慣。未省人間蜀道行。

朝騎駿馬暮飛觴。攜手燕郊處處將。豈有聲名動寥廓。故刪時俗與翱翔。伯陽道德五千字。吏部文章萬丈光。獨立蒼茫發長想。孔顏樂處是心香。

柬友人

青天浩浩短車健白劍差差薄屋高變化兩人成一體
踉蹌散地授同袍莊周有夢迷蝴蝶伯樂無媒泣駿駒
物理未宜常接觸秋心只合醉醇醪

閉門

不貪人事與侵尋薄宦聲名悄至今一雨放春楊柳綠
百年如夢屋廬深才能受謗有餘福詩不閉門無苦心
幽鳥幽花吾肺腑市朝深處得山林

病起書懷

薊城俯仰一迂儒倚劍崆峒事有無風雨每當懷古哭

肝腸都爲望鄉枯。安排藥餌添新瘠。瘦損客顏失故吾。
回首可憐妻子拙。焚香禮佛肅禱禱。
十晨牀簀費吟呻。苦霧終風淚眼昏。親在湖湘何敢死。
君如覆載未酬恩。鏡中短帽霜雙鬢。世上閒情酒萬樽。
跨馬出郊朋舊喜。黃昏款款割鷄豚。

尺五莊

團團野趣南城外。拂拂薰風九夏天。沙水紆迴鷗鷺舞。
林花妥貼鸛鳩眠。濃雲不散衣生墨。美酒微醺人似僊。
忘卻夕陽歸路緊。柳陰深處一聲蟬。

春曹夜值

突兀容臺拱

帝閭吏稀人靜獨昏黃梧桐暮雨蕭蕭老鐘鼓西風嫋嫋長公幹豈應迷簿領子長端是藉文章千秋禮樂培元氣慙媿

天家瑞錦郎

夜坐

紙窗木榻夜漫漫槐檝簷斜菊近闌月色古今如此白秋聲天地不禁寒五陵裘馬非吾事百歲風霜老筆端

使我有名詩句好未妨匏繫宦情闌

遣懷

儒官一榻卧羲皇清景婆娑歲月長天地無言自風雨
古今未了此文章價高肯爲金張減汗下差教籍湜僵
宿昔鍾期在何許秋橫南國淚千行

靈麓峯頭一腐生漫驅筆力埽鯢鯨五噫三賦時時作
北斗南箕往往驚自悔雕蟲非道要誰將畫虎當才名
酒酣脫畧醒時哭子美詩中偏側行

攬鏡裴裒七尺身骨奇心苦不宜人牀頭蟻陣渾如夢

匣裏龍文似有神。月缺月圓此河漢。花開花落自埃塵。
天機那問君平卜。一卧長安秋雨新。

驅車鹵莽倚天涯。得失鷄蟲恒可嗟。萬事齟齬生痰疾。
寸心浩蕩有雲霞。洞庭水闊魚蝦長。嶽麓山深松菊斜。
世上悠悠春夢過。林泉好處是誰家。

訪友不值

歷歷夜光寒似水。寥寥巷舍寂於林。空隨明月一時到。
不識白雲何處尋。原憲生涯金帛少。陶潛晚景酒杯深。
百年卜命看周易。肯倚西風涕滿襟。

陶然亭

萬點蘆花撲羽觴。百年客子怯秋光。西山如幕邊雲紫。
古刹無人木葉黃。袞袞物華隨歲月。飄飄旅宦有文章。
登高騁望乾坤大。何處煙波是故鄉。

室焚酬許萊山師借宅安置

絳旃紅鞞無端見。雞犬圖書一燼餘。豈有文章簪造物。
故教風火折吾廬。徒薪徐福人誰辨。漱酒樂巴我不如。
乞取春風潤愁餓。還開淚眼讀奇書。

雲捲雕簾日晒牀。杏壇側畔一枝藏。百年嘯傲嬰同祿。

雙淚橫流遶講堂。鳩杖先生工慰藉。鵲袍弟子立蒼茫。
却因勸勉傷幽獨。憂患無常儻有常。

中夜驚心光睽睽。故居回首鼻酸辛。炎官欲殺亦知已。
生事不言能古人。太白銷愁斗酒薄。宗元賀火尺書頻。
時陶雲汀中丞暨賀柘農提學黃惺溪太守以書來弔陳義甚高 試刪天問清魂夢。自
向師門整幅巾。

答友人弔火

離離長句雜悲傷。落落知心太激昂。造物降材安肯忌。
東風吹火偶然狂。哀猿斷木窮人涕。老鳳高岡君子堂。

謂借宅
萊山師卻展詩書歌達旦斗降霜雪不知涼

潘星齋紱庭昆季招飲

華筵意氣尋常見今日酣歌落紫霞公子能招天下士
蒼生永繫尙書家風吹琥珀江南酒露裊薔薇屋角花
我亦平生喜騷墨揮毫如雨和尖叉

經李西涯相國故居

殘陽下馬路如弓丞相亭臺人已空古寺松杉號夜鶴
亂池荷芰碎秋風道消奸豎睢盱外學富文章浩蕩中
異代蕭條余已晚路旁指點總迷蒙

公本湖南思返。權老居薊北。易銷魂。左徒舊宅。荃蘅泣。
中散荒園。桐梓昏海外。有人私楮。墨墓門無淚。灑兒孫。
年年奔走鄉人祭。慟哭蒼烟郊外村。
西涯無後鄉人相率歲一掃墓

讀郭與可集

寥落風騷息。正聲我懷前輩。不勝情。埽除萬有。元精在。
流播千年。訕笑平今爾。筆端蟠古意。飄蓬海宇。足才名。
故應連軫琳琅字。付與人間仔細評。
白日堂堂兩鬢皤。高冠長佩自婆娑。看君詩意窮愁淡。
握手秋風醉倒歌。庾信波瀾老更得。杜陵堂與近如何。

梓州妙竹兼能畫雙絕流傳慰坎壈

感興

書劍勞勞湖海士。風雲浩浩帝王郊。少間宋玉悲秋氣。
今似揚雄畏客嘲。白日青天消麴蘖。疎星淡月弔蟪蛄。
男兒及歲當行樂。鬢髮多情莫浪拋。

百寶欄干大道斜。春光先入五侯家。黃鸝紫鷺參差語。
穠李夭桃頃刻花。世上功名幻蒼狗。秋來風雨敵悲笳。

五年不上明光殿。灝氣排雲草白麻。

時記名樞直
五年未補缺

回思二十聲名大。擊劍幽燕醉倒歌。黃閣老翁元惻怛。

長沙才子自蹉跎。三期賢佞從時論。七發縱橫遣宿病。興寄麒麟吾不淺。起看精衛喚如何。

天涯棲泊衣裳冷。人事侵陵涕淚奔。月黑幽蟲搜旅夢。花枯寒蝶上朝暾。癡兒禮薄爭啼飯。故舊官高或到門。古往今來如對奕。朱輪大纛有黃昏。

霜急山空萬木號。長歌懷古興驅濤。深深簾幙燈檠穩。短短屋廬秋日高。一代衣冠先士氣。百年天地入詩騷。太平拙宦棲身好。未要縱橫擬四豪。

老屋疎風點禿巾。深秋枯柳卧顛輪。蚤嬰公幹纏綿疾。

不繡平原姍姍身。浩浩剛腸倚牛斗。悠悠行路笑詩人。
請看滄海橫流甚。老鯁狂犀無損鱗。

平生天與嶽奇骨。懷古渾忘醉飽心。繡虎雕龍非末技。
白蟬黃妳是知音。秋風不管杜陵瘦。戶外誰聞梁甫吟。
日暮延襟何處好。蒼苔濁酒碧梧陰。

城上西風咽暮蟬。城中客子坐青氍。松雲墮地垂垂綠。
檻月依人故故圓。赤驥商量千里足。黃門驚恐二毛年。
邯鄲未醒浮生夢。雄伏雌飛擬問天。

東箭南金慙品藻。酸風凍雨濕冠纓。臣才未逐松筠老。

世路難驅躡。顙行浩想賈。生多涕淚每。談諸葛足聲名。
人生豈得徒。詠綵筆。應須策太平。
裘馬清狂燕趙間。傷心夕照倚闌干。九秋木葉飄零易。
萬古才名管領難。博物蔡邕宜自保。清談殷浩總堪歎。
迢迢霄漢非人境。健翮誰當九萬搏。

歲暮雜興

宣武城西十數椽。天寒歲暮客心偏。青州從事杯觥好。
蒙邑先生夢寐圓。卿相未知三策稿。春秋已近二毛年。
只應漫滅懷中刺。誰送楊雄上九天。

徒倚西郊送落暉。白烏青雀趁斜飛。樓臺缺處數峯見。
霜雪封時一徑微。嗜酒步兵何日醒。絕交中散與時違。
兒童催打細腰鼓。擁膝譴嘲無是非。

九九長安栗烈寒。卷階風葉浩漫漫。朱門戚里無消息。
赤脚長鬚有肺肝。一盞鷺黃名士酒。百年魚菜腐儒餐。
飛騰更欲求勾漏。未就丹砂事可歎。

物換星移幾歲時。吟風弄月總如斯。窮愁志在休經眼。
安樂窩中豈夢尸。天地有情還故我。秋冬無事足新詩。
瓣香最欲宗陶阮。逸氣飄飄信所之。

骯髒儒生三尺劍。徜徉京國十年期。才名未老乾坤大。
詩句非狂風雨疑。只有杜康如我意。莫將梁甫向人悲。
雞蟲得失渾閑事。付與艱難兩鬢絲。

歲時歌舞憶荆湘。土俗纏綿暗酒香。烹割雞豚供吉利。
竈驅除疫癘仗金剛。十年涕淚頻佳節。萬里江湖有故
神。驅除疫癘仗金剛。十年涕淚頻佳節。萬里江湖有故
鄉。草草爲官年齒長。幾回顛倒舊衣裳。

贈林少穆方伯卽送其之湖北

右軍筆力本崔嵬。曼倩談諧亦妙材。海內英奇半來往。
民間疾苦獨裴裛。梧桐鳳羽聲名久。江漢鯨波父老哀。

側聽鄂城公走馬家家親手刈蒿萊

周芸臯觀察惠讀襄陽集因題其後

東觀人材五馬行政聲筆力兩崢嶸行車問俗桑麻足
揮麈談詩風雨驚峴首蒼涼悲斷碣習池跌宕倒清觥
神仙太守吾能說肯以文書累性情

集中句云人疑太守是神仙

經故居感事

并序

舊廬繫西城偏火之旋更新之同年生周鞠存
居焉余旣泣然念遭難之可駭又嘉鞠存不牽
于世俗之忌諱也不能無詩

斗室踉蹌一炬焚。弱妻稚子淚翻盆。摧顏肝腎有餘痛。
驚恐比隣難再論。巢認雕梁啼過鳥。天留老樹鎮黃昏。
今君涉目成詩趣。藉草鋪花自闢門。

寄胡鏡塘師時師通判晃州

衣帽蕭爽涵初日。民社經營領一州。政似老嫗餵少子。
官如窮海著扁舟。魚蝦小市供朝飯。城郭西風咽暮愁。
世上夔蛇何用問。陰風弄月不知秋。

與內子瑞華敘事抒情八章

瘦影伶仃怯見秋。西風吹雨上簾鉤。手調藥裹元多病。

面對菱花只解愁。雲滿一枝簪影活。天寒九月杵聲柔。
流傳只有詩家婦。每誦秦徐句未休。

十指琴心無限端。天涯蓬鬢鏡中看。祇言夫婿非凡骨。
不怨人間有冷官。三賦未輸鸚鵡健。千金擬贖鸚鵡難。
番憐范叔今如此。小語秋風尙未寒。

曾攜稚子滯揚州。

瑞華攜阿東入都。曾因舟廿四橋邊航。淺滯至揚州。快快復返。

一片秋江北。江南楊柳岸。人歌人哭木蘭舟。當時烟水。

知新恨。今日風光散舊愁。清曉捲簾花婀娜。俱飛蛺蝶。
上釵頭。

一種心情一種清。不施鉛粉。得天成篋。餘匹絹量新翦。
燭結雙花。覆短檠。天上有簫吹紫鳳。人間無夢打黃鶯。
百年爭得團圓好。小院迴廊。拍手行。

白白朱朱。花簇簷。本家粧閣。水精簾。少依保母。嗚環佩。
長爲照裏。數米鹽。智慧太多。成鬢薄。艱難如許。上眉尖。
五年夢落熊羆外。續續明珠掌上。添。

舊時厨下。試羹湯。青筍紅魚。紫蟹香。永夜思親在。湘水。
虛名累汝。住他鄉。芙蓉帶裏。腰圍瘦。翡翠裙邊。秋葉黃。
風火每思人日慘。雞鳴旦旦。淚霑裳。

澹粧雅服坐深堂。藥竈茶鐺次第將。庖膳好供三歲醢。
院牆親種五株桑。卿雖紅粉諳生事。我與青鐙溯古香。
若遣垂頭問錢帛。著書安得倚繩牀。
老萊有婦好躬耕。顛倒攜家向薊城。翟裼尙遲偕老約。
鮎魚空寄上竿情。官非厚祿攀援苦。家有名田憂患平。
與我退歸資水上。百年對挽鹿車行。

八月十五夜無月

多病嬾撞金石韻。中秋欲倒玻璃觥。如何今夜風雨暗。
不放天光河漢清。萬里音書滯荆楚。十年顏色瘦幽并。
每火寺長

慣呼明月爲知己未解行雲罩畫楹

夜半見月用前韻

人間何處非棋局夜月無端上酒觥
啖爾雲烟工搏拚垂天光景總澄清
東鄰紅燭張高譙西舍寒砧出晚聲
萬古今宵同顧盼細思物理倚欄楹

檢近詩呈唐鏡海先生

弱冠無詩深自悲楚騷未可墜如泥
歎思挈筆雨風快不顧瘳生顏色
整氣浩心沉摹杜甫詞癯骨勁抗昌黎
辛勤計日百篇就點竄煩公雙簪齊

天地閒官無住著。詩騷小技且雄爭。要呼活虎生龍出。
不放青蛙紫蚓鳴。鎮日高歌泣神鬼。冥心獨往避聲名。
休論壇坫一時事。自寄江河萬古情。

贈唐鏡海先生

十丈塵中富貴酣。清風老骨獨巉巖。百年彈指從貧病。
萬卷填胸畏謗讒。雨逗短檠吟蟋蟀。秋先古寺撼松杉。
忘年一笑春如許。媿我平生狂未芟。

天子非常憐汲鄭。先生佳政薄龔黃。

先生以御史言事左遷員外特簡昭

州太守

宜懸旌旆羣公表。豈謂風塵兩鬢霜。素食單衣秋

嫋嫋高山流水意。茫茫升沉耻問君。平日飲醇醪。醉未妨。

再贈唐鏡海先生

飽讀羣書鬢髮老。半生羈旅雨風孤。燕齊楚魯天青紫。猿鶴沙蟲人有無。年少或能欺杜甫。道高端不泣楊朱。悠悠弄月吟風意。茂叔何曾是腐儒。

詠懷簡唐鏡海先生

少小深懷攬轡情。栖遲粉署媿平生。未堪簿領遮雙眼。故倚詩篇擁百城。浩想無端烟雨幻。長歌一放古今橫。

老成似喜才人筆許我春風曳杖行

登樓

城上飛樓樓上情。側身縹緲與天平。西來林麓橫蒼靄。
東走滹沱混太清。四塞河山千鳥外。萬家風雨一秋聲。
登臨無限傷心事。華髮蕭蕭變幾莖。

送唐鏡海先生守粵西

封侯意氣老彌慵。此去栖栖桂嶺中。遂使農桑謫杜母。
故應禮教拜文翁。青燈萬卷爲民物。白髮三秋自雨風。
省識別離無限意。尺書萬里託征鴻。

簡友人

昨夜秋風愁殺人。西山木葉下紛紛。久纏疾病心猶壯。
不走侯王名自聞。地湧泉源吞萬卷。天開筆陣掃千軍。
試從甫愈窺曹謝。未易詩箋富白雲。

袞袞風流白紵袍。一秋相對飲醇醪。飛霜撲面人如玉。
急雨催詩筆走濤。必刻浮華方見骨。不工感慨豈成騷。
江河日下狂瀾倒。青眼高譚望爾曹。

秋夜

秋夜夜深秋氣清。秋心如水淚縱橫。丹楓紫菊娟娟色。

瘦蝶寒螿。瑟瑟情風雨。刪詩雙禿管。乾坤作客。一孤檠。
明朝莫訪君平卜。市上香醪滿盞傾。

送簡夢巖孝廉

不羨貂蟬白玉簪。投壺散帙自酣酣。三年詩社交天下。
一夜鄉心過嶺南。滄海白雲飛釣艇。羅浮古屋鎖秋嵐。
知君笑我爲官在世上。酸醎祇飽諳。

破帽青衫寸寸埃。天涯攜手共登臺。狂譚世事兼歌哭。
豈料秋風妬往來。落葉迷離元亮徑。短燈蕭瑟步兵杯。
去看南海濤聲大。正似離人淚落哀。

西城遇雨

客臺人散車旋轉宣武城西天淡寥紫電跳魚衝岸怯
黑風吹馬噴沙驕悵懷遠道迷親舍謾想奇文蔚
聖朝滿地梧桐知我意不堪秋色雨瀟瀟

感秋一首柬徐熙荈王柳溪兩給諫

秋色愁人興欲闌庭莎院草露漫漫不知何處梧桐葉
故著先生獬豸冠寸管風霜工起草百年葵藿此輪丹
爲郎未得排閭闔落日黃雲有所歎

南鄰

莽莽天涯寄此身。風流來往側烏巾。攤書跌宕雲橫几。
挾句推敲月趁人。梨棗均勻兒女大。酒肴澹泊歲時新。
天真爛漫知何似。杳杳桃源物外民。

輓戴教亭比部

皚如白雪直如絃。長者平生最可憐。門對郊原雲澹澹。
衣披藍縷雨娟娟。高情願我千人外。好語聞君十日前。
愴矣安仁宜作誄。揮毫淚落不成篇。

天黑漢陽彫二妙

易石坪學士
葉雲素給諫

霜號雲夢有餘辛。栖鸞

枳棘遲毛羽。詠鵬庭隅泣鬼神。青眼高歌惟老友。斷橋

卧柳總殘春。若逢地下袁員外。雅山木壤山頽慘殺人。

郊外尋花

東風日日喚愁生。且約束風一出城。早莢樹前來白馬。
海棠花下坐黃鸝。眼中邱壑皆詩趣。春滿乾坤亦世情。
借問酒家何處好。醉收煙景入杯罌。